

# Sektor sredstava **Sparkasse Bank**



Članica Steiermärkische Sparkasse

**SPARKASSE**   
BANK

Uvijek bliže Vama.

# Profil Sparkasse Bank dd

**Sparkasse Bank dd** je prisutna na tržištu BiH deset godina sa sjedištem u Sarajevu, a od 2007. je članica austrijske grupacije Steiermärkische Sparkasse.

Do 2009. godine smo poslovali pod imenom ABS BANKA, kada smo, slijedeći cilj integracije u Sparkasse grupu promijenili ime u Sparkasse Bank dd.

Naš tim od 430 uposlenika

opslužuje 140 000 klijenata

nudeći sve vrste konvencionalnih i modernih bankarskih usluga uključujući finansijske usluge S-Leasinga

putem poslovne mreže od više od 50 poslovnica širom BiH.




## Naš vlasnik

Naš gotovo stopostotni vlasnik Steiermärkische Sparkasse je najveća regionalna banka na jugu Austrije, a u Jugoistočnoj Evropi je zastupljena sa 300 filijala, gotovo 4 500 uposlenika i opslužuje 1,5 miliona klijenata.

Grupacija ima dugoročnu i održivu strategiju investiranja u regionu, što je čini pouzdanim partnerom i investitorom koji stoji iza Sparkasse Bank i BiH. Steiermärkische Sparkasse je do sada u BiH investirala oko 150 miliona KM, te stavila na raspolaganje 275 miliona KM likvidnih sredstava za plasiranje kredita.

Kao članica Erste Bank und Sparkassen Austrija, dio je najjače grupe banaka fokusiranih na poslovanje sa stanovništvom, malim i srednjim preduzećima u Evropi.

## Sparkasse i znak

Naša matična kuća Steiermärkische Sparkasse je tokom tradicije poslovanja od gotovo 200 godina izgradila prepoznatljivu „marku Sparkasse“ sa crvenim  koja predstavlja:

- sigurnost, povjerenje i tradiciju, što je čini pouzdanim partnerom za uposlenike i klijente;
- solidan, na krize otporan poslovni model snažne i uspješne grupacije;
- ekonomski uspješan koncept koji prati principe društvene odgovornosti.

## Ciljevi i planovi

Naš krajnji cilj je razvijati se prema internacionalnim standardima grupe u modernu banku koja zadržava tradicionalne vrijednosti Sparkasse, uz orijentaciju na poslovanje sa stanovništvom, mala i srednja preduzeća. U petogodišnjoj perspektivi namjeravamo pokrivati prostor cijele zemlje i biti među vodećim bankama u BiH.

U 2009. i 2010. godini su planirana ulaganja od oko 40 miliona KM u:

- razvoj ljudskih potencijala – otvaranje gotovo 150 novih radnih mjesta i fokus na edukaciju uposlenika;
- novu zgradu sjedišta banke;
- nadogradnju IT tehnologija nakon uvođenja novog IT sistema početkom 2009.;
- regionalnu ekspanziju sa više od deset novih poslovnica
- tehničku opremljenost – instalacija gotovo 60 novih ATM-ova u periodu 2008. – 2009.;
- povećanje efikasnosti kroz reorganizaciju i uređenje poslovnica;
- širenje palete proizvoda.

Članica Steiermärkische Sparkasse

**SPARKASSE**   
BANK  
Uvijek bliže Vama.

# Dobro došli na Forex!

Tržište deviza (**Forex, FX, foreign exchange market**) danas predstavlja najveće i najlikvidnije finansijsko tržište na svijetu. Dnevni promet na ovom tržištu iznosi oko 3.000 milijardi USD. Najveći dio ovog prometa je špekulativne prirode (trgovina valutama radi ostvarivanja profita kroz razlike u kursovima), dok se samo mali procenat tržišne aktivnosti odnosi na stvarne potrebe kompanija i drugih institucija za inostranim valutama.

- **Likvidnost tržišta**

Ovo „međubankarsko tržište“ sa glavnim centrima u Sidneju, Tokiju, Londonu, Frankfurtu i New Yorku je aktivno 24 sata dnevno. Za razliku od trgovine na berzi, Forex tržište nije centralizovano i trgovanje se obavlja direktno između dvije strane. Problem likvidnosti ne postoji jer uvijek ima "neko" ko je spreman da kupi ili proda valutu s kojom želite da trgovate.

- **Trgovina bez dodatne provizije**

Kursevi koje vam nude naši dileri su trenutni kursevi na FX tržištu. Sklapanjem FX posla vaši računi se odobravaju/zadužuju u iznosima koji odgovaraju dogovorenim kursovima, bez dodatnih ili skrivenih provizija. Potrebno je samo da imate zaključen ugovor o korištenju usluga Customer Desk-a i raspoloživa sredstva na računu. Poslovi se zaključuju telefonskim pozivom koji se snima.

## KUPOPRODAJA VALUTA PO AKTUELNOM TRŽIŠNOM KURSU

### Trgovina sa valutom T + 0

Svojim klijentima Sparkasse Bank dd nudi mogućnost trgovine valutama sa datumom valute T+0. Vaši računi se odobravaju/zadužuju sa istim datumom kao i datum trgovine.

### Plaćanje sa valutom T+0

Kao klijent Sparkasse Bank d.d. imate pravo zahtijevati plaćanje sa valutom isti dan, nakon što ste zaključili FX transakciju preko Customer Desk-a, uz poštovanje ograničenja postavljenih od strane ino banaka u smislu vremenskog limita za izvršenje plaćanja sa valutom T+0.

Za dodatne informacije u vezi plaćanja sa valutom T+0 molimo Vas da kontaktirate Vama najbližu filijalu Sparkasse Bank d.d.

### Mogućnost ostvarivanja profita

FX tržište svojim učesnicima pruža mogućnost ostvarivanja profita na osnovu razlike u postignutim kursovima prilikom kupovine i prodaje valuta. Trgovinom putem Sparkasse Bank dd i naši klijenti imaju mogućnost da na FX tržištu ostvare određeni profit.



Članica Steiermärkische Sparkasse

**SPARKASSE**   
BANK

Uvijek bliže Vama.

## Scenarij 1

Ako ste kao uvoznik kupili USD za plaćanje vaših obaveza, a USD je u toku dana dobio na vrijednosti (postao skuplji) u odnosu na EUR ili KM, pruža Vam se mogućnost da po novom kursu prodate već kupljene USD i ostvarite profit na postignutoj razlici kurseva. Nakon što se situacija na tržištu promijeni i USD izgubi na vrijednosti, kupovinom potrebne količine USD stižete sredstva potrebna za izmirenje obaveza prema inozemstvu. Jedini rizik za Vas je mogućnost da USD usljed tržišnih kretanja nastavi gubiti na vrijednosti u odnosu na EUR, zbog čega ste propustili priliku da ga kupite po kursu.

### Primjer:

Uvozniku X je potrebno 100.000 USD radi plaćanja svojih obaveza. Na tržištu je kupljen iznos od 100.000 USD po kursu USD/BAM 1,3320. Klijent za kupljene USD plaća 133.200 KM.

$$100.000 \text{ USD} * 1,3320 = 133.200 \text{ KM}$$

U toku dana USD dobija na vrijednosti i dostiže kurs USD/BAM 1,3330. Uvoznik X daje nalog za prodaju 100.000,00 USD po novom kursu

$$100.000 \text{ USD} * 1,3330 = 133.300 \text{ KM}$$

Na kraju dana Uvoznik X posjeduje 133.300 KM, odnosno 100 KM više u odnosu na početnu poziciju. Uvoznik X naknadno kupuje potrebnih 100.000 USD po odgovarajućem kursu na tržištu.



## Scenarij 2

Ako ste kao izvoznik koji je naplatio svoja potraživanja prodali USD, a isti nastavi da gubi na vrijednosti u odnosu na EUR ili KM, pruža Vam se mogućnost da po novom kursu kupite istu količinu USD i ostvarite profit na postignutoj razlici kurseva. Nakon što se situacija na tržištu promijeni i USD ponovo dobije na vrijednosti, prodajom raspoložive količine USD dolazite do potrebnih sredstava u KM. Jedini rizik za Vas je mogućnost da USD nastaviti da dobiva na vrijednosti u odnosu na EUR, zbog čega ste propustili priliku da ga prodate po kursu.

### Primjer:

Izvoznik Y je imao priliv u iznosu od 100.000 USD. Iznos od 100.000 USD je prodat na tržištu za KM po kursu USD/BAM 1,3320

$$100.000 \text{ USD} * 1,3320 = 133.200 \text{ KM}$$

U toku dana USD gubi na vrijednosti i dostiže kurs USD/BAM 1,3310. Izvoznik Y daje nalog za kupovinu 100.000 USD po novom kursu

$$100.000 \text{ USD} * 1,3310 = 133.100 \text{ KM}$$

Na kraju dana Izvoznik Y posjeduje 100.000 USD, kao i razliku od 100 KM koja je u vidu profita ostala na KM računu. Izvoznik Y naknadno prodaje 100.000 USD po odgovarajućem kursu na tržištu.

## KUPOPRODAJA VALUTA PO ŽELJENOM KURSU – FX ORDER

Sparkasse Bank svojim klijentima nudi mogućnost kupovine ili prodaje određene valute po "očekivanom" ili "željenom" kursu izvan standardnog radnog vremena Banke. Klijent može dati FX Order kojim se kupuje/prodaje određena valuta po željenom kursu. Dati nalog je validan do njegovog izvršenja ili do opoziva istog od strane klijenta. Obzirom da je izvršenje FX Ordera vezano za kretanja na tržištu (koje ne mora nužno da bude u skladu sa očekivanjima), garancija da će se FX Order izvršiti ne postoji.

Ovaj proizvod je pogodan za klijente kojima trenutna prodaja ili kupovina valute nije od velike važnosti, što ostavlja prostor za trgovinu valutama po povoljnijim kursovima od onih koji su u trenutku davanja naloga aktuelni na tržištu.

### Primjer:

Klijent X posjeduje 100.000,00 koje želi da konvertuje u KM. Trenutni kurs za prodaju USD na tržištu je 1,3300. Za prodaju po aktuelnom kursu Klijent X bi dobio:

$$100.000 * 1,3300 = 133.000 \text{ KM}$$

Međutim, ukoliko Klijent X očekuje da će USD dobiti na vrijednosti ili jednostavno želi probati da dolarski iznos proda po povoljnijem kursu koristit će FX Order. Klijent X izdaje nalog za Order prodaju 100.000,00 USD po kursu 1,3350.

U tom slučaju su moguće sljedeće opcije:

- Nalog je izvršen jer je tržišni kurs dostigao kurs iz FX Ordera tako da klijent dobiva:

$$100.000 * 1,3350 = 133.500 \text{ KM}$$

- Nalog nije izvršen jer tržišni kurs nije dostigao kurs iz FX Ordera.

Klijent određuje rok važenja FX Ordera koji prestaje važiti u sljedećim slučajevima:

- Izvršenjem
- Otkazivanjem
- Istekom perioda važenja

Članica Steiermärkische Sparkasse

**SPARKASSE**   
Uvijek bliže Vama.



## TERMINSKI UGOVOR O KUPORODAJI VALUTA – FX FORWARD

Sve trgovine koje se izvršavaju sa valutom dužom od dva dana (T + 2) i po unaprijed dogovorenoj cijeni predstavljaju FX Forward. Ova vrsta naloga je pogodno sredstvo za zaštitu od rizika promjene valutnih kurseva kod komercijalnih poslova čija realizacija traje do godinu dana.

Kod ugovaranja kursa za FX Forward uzima se u obzir aktuelni tržišni kurs kao i razlike između kamatnih stopa povezanih sa valutama koje se izražavaju forward poenima. Na forward poene, osim razlike u kamatnim stopama, utiče i dužina trajanja FX Forward posla.

Klijent je obavezan da po osnovu svakog FX Forward posla osigura depozit u određenom procentu od vrijednosti transakcije, koji se oslobađa danom izvršenja transakcije.

## PIPSEVI

Trgovina valutama se odvija na osnovu kurseva koji predstavljaju vrijednost jedne valute izraženu kroz drugu valutu. Kada od našeg dileru dobijete informaciju da je prodajni kurs dolara 1,3322 to znači da ćete za kupovinu 1 USD platiti 1,3322 KM. Na isti način, ukoliko je kupovni kurs 1,3312 to znači da ćete za prodaju 1 USD dobiti 1,3312 KM.

Četvrta decimala ponuđenog kursa naziva se **pips**. Promjena kursa se često izražava kroz pad ili rast izražen u pipsevima. U gore navedenom primjeru razlika između dva kursa je 0,0010 KM ili 10 pipseva.

\* FX Trgovina (trgovina stranim valutama) nosi određeni nivo rizika i sama po sebi ne predstavlja garanciju za sticanje profita. Prije donošenja odluke o trgovanju valutama pažljivo razmotrite vaše ciljeve, nivo iskustva i spremnost na preuzimanje rizika.

### Sparkasse Bank dd

Članica Steiermaerkische Sparkasse  
Trampina 12, 71000 Sarajevo  
Bosna i Hercegovina

### Mirza Gotovuša

Samostalni stručni saradnik - FX Dealer  
Tel.: +387 (0)33 280 326, Fax: +387 (0)33 280 237  
Mob.: +387(0)61 377 151  
Email: mirza.gotovusa@sparkasse.ba

### Fikret Dacić

Samostalni stručni saradnik  
Tel.: +387 (0)33 280 321, Fax: +387 (0)33 280 237  
Mob.: +387(0)61 303 639  
Email: fikret.dacic@sparkasse.ba

Članica Steiermärkische Sparkasse

**SPARKASSE**   
Uvijek bliže Vama.

